



# ATASSUT INATSIARTUNI

---

ATASSUT

UKA 2013/129-1

Siverth K. Heilmann

22.10.13

**Pisortat illuutaat A/S Ini-miit aqunneqartut suli imermut attaveqanngitsut tamarmik attavilersorneqarnissaasa pilersaarusiornissaa siunertaralugu Naalackersuisut suliassamik piareersaasioqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

Siumut sinnerlugu Inatsisartuni ilaasortaq Doris Jakobsen matumani siunnersuuteqarpoq pisortat illuutaat A/S Ini-miit aqunneqartut suli imermut attaveqanngitsut tamarmik attavilersorneqarnissaasa pilersaarusiornissaa siunertaralugu Naalackersuisut suliassamik piareersaasioqqullugit peqquneqarnissaannik Inatsisartut aalajangiissasut.

ATASSUT-mit qularutiginnilarput siunnersuuteqartup siunertarigaa sapinngisamik illut inissiallu tamarmik illoqarfinniikkunik nunaqarfinniikkunillu imeqarniarnikkut pilersorneqarnermikkut isumannaarunneqassasut. Isuma tamanna arlaannattaluunniit assortorsinnaanngikkaa ATASSUT-mit qularutiginnilarput.

Taamaattorli atortulersuinermit piareersaasiortarnerit misissuinernik annertoorujussuarnik tunngaveqartarmata, taamaalillutillu aamma aningaasartorujussuarfiusarmata peqqissaartumik aammalu inuiaqatigiit aningaasatigut naammassisinnaasaannik siunertaq sulissutigineqartariaqartoq ATASSUT-mit naliliivugut.

ATASSUT-mittaaq Naalackersuisut siunnersuuteqartumut naapitseriaallutik allannguutissatut siunnersuutaat aqutissaasutut isiginngilarput, tassami misissuisoqassappat qanoq akeqassanersoq misissoqqaarneqassappat marloqiusamik nammagassiisoqassasoq isumaqaratta.



## ATASSUT INATSIARTUNI

---

Taamaammat allatut iliorluni siunnerfilimmik sulisoqarnissaanik nalilersueqatigiittoqarsinnaaqullugu siunnersuutip taamatut iluseqarluni akuersaarneqarnissaa inassutigisinnaangikkaluarlutigu ATASSUT-mit inassutigissavarput siunnersuutip aappassanneerpeqanginnerani Inatsisartut Sanaartornermut Ataatsimiititaliaanut suliassangortinneqassasoq, tassanilu nalilersorneqassasoq siunertaq qanoq pitsaanerpaamik anguniarneqarsinnaanersoq.